

DE BEERS KANATAMI NALVAAQHIUQTIT ILAUQATIGIIT ROCKINGHORSE (KOAMOGAKTOK) HAVAAGHAP UQAUHIRILLUANGIT

Atulihaaqtillugu 1990s uvunga tajjamut, De Beers Kanatami Nalvaaqhiuqtut Ilaumatigiit (DBCE-kunnik taijauvaktut -- taijauvaghimajuugaluit Monopros Havagvianni), Kanatami qipliqtunik ujaqqanik nalvaaqhiuqtit havagviat, nalvaaqhiuqhutiklu qiniqhiaplutiklu uvani Rockinghorse Tahianini/Hood Kuugaata ilanganni havagviptingni Yellowknife-mi. DBCE-kut pihimajaqaqpaktut Nunanik Aturnighakkut Angirutainnik ukuningalu Inuit Nunatigit-Aturnighakkut Laissighainnin tahapkuninga havivalungnit nanminirijaqaarnikkut Inuinnaik-Nanminitigit Nunaannik (IOLs-kunnik taijauvaktut) havaarijaghamingnit tingmiakkut tingmiqattarvighaannik, halumailruniklu ihivriughivighaannik, tingmiakkullu nunakkuurnikkullu ihivriughivighaattigit talvalu ikuutarvighatigit naunaighinahuarnighakkut. Nanminiirutighat amigaitqijaujut (69%-ngujut) tunuanni inmata IOL-kut nunaqarvigijaanni, uvani Kanataup nunarjuanganni; havagvigijumagumikku tahapkunani nunani pitaaqhimajaat ukuninga Kanataup Nunarjualiqijiannin uvani 1994-mi tajjalu huli havaarijauvaghutik. Ilakuujut nanminiqtatutit (31%-ngujut) ittuq hivuraanni IOL-kut nunagijaanni, uvani Inuit maniqqatigit-pigijaanni nunani; nunatigit-aturnighakkut laissighaannik makipkaijumaplutiklu pihimajaqarumaplutiklu ihivriughiqattarumaplutiklu hapkunani nunani pitaaqhimajaat uvani 1996-mi. Tajja Rockinghorse-kunni nanminirijaghaat ittuq ukunani NTS-kullu IOL-kullu najugarijaanni: 76E, 76L, 86H, 86I uvanilu CO-05.

Ilagiingni 3 Nunatigit-Aturnighakkut Laissigijaanni #KTL399C026 angiqtauhimajut havaaghatigit 38-ngujunik nanminirijaujut IOL-kunni; 10-ngujut nanminirijaujut ihivriughtauniaqtut aujami, 2002, ukunatigit Kanatami Nunatigit Ihivriughijainnin talvalu ingiqtuutighamingnit ingiqturinaqtut ukununga Kanataup Nunarjualiqijiannin tahapkuat nanminighat atuqtaujuhighaannik. Ilanganittauq, 32-ngujut nanminighat ittuq uvani Kanataup Nunarjuanganni ihivriughtauniaqtullu atuqtaujuhallu pinahuarniaqtaat. Huurliqaak nanminiirutighat atuqtaujuhighaatt tahapkuat nalvaaqhiurniriillu ihivriughiniillu ikajuutighatigit huli aturutighaatt qaangirlugu 10-nik ukiunik havaarijaujuhighaannik haffumap nanminiirutip.

DBCE-kut angiqtaujumajut nalvaaqhiuffaarnighakkullu ihivriughinighakkullu havaarijumajainnin uvani titiraqhimajuni Inuinnaik Nunatigit-Aturnighakkut Laissiqtautainnik: Tahama uvagut ingiqtuutigivaqqut talvalu haffumap Havaaghap Uqautigijauvut.

Una Havaaghaq - ilaqaqhutik tamangnik pilihaarnikkut-pitquhianinlu akunngani-pitquhianinlu nalvaaqhiurnikkut - hivumuurnikkut qajagiplugillu pittiaqtauplunilu pitquhianik haffumap nanminiirutip, uqautigilraarutaat uqauhiriplugu Kitikmeoni Inuit Katutjiqatigiinut (KIA-kunnik taijauvaktut) ukunungalu hamalatkuannut Kugluktum uvani 1996-mi; hamna havaaghaq takuurihimajaallu Nunavunmi Akhuurutaunin Ihivriughijiat Katutjiqatigiingit (NIRB-mik taijauvaktut). DBCE-kut tajja ihumajut nalvaahiurumaffaaghutik ihivriughijumaplutiklu ujaqqanik qipliqtunik-piqagtut ujarakhiurnikkut haffuminga aajjikkutarijaannik maniqqamiuttanin nanminirijaujutigit ilaganni, atuqtauniarumik ilaa, havaqatigijumangmijai KIA-kut inuutaillu Kitikmeoni. Uqaqatigiqattaqhugit Maligaliuqtivut ukuallu Kitikmiuttat tajja huli atuqtauvaktut 1996-min ublumimun.

Aturumajaujut uvani nunguliqtumi ukiumi-atulihaaqtumi upinngakhaqqat 2002-mi (March-min May-mun) haffuminga qipliqtumik ikuutarnikkut havaarijaujughat uvani Kanataup Nunarjuanganni pijumaffaaqtaujut ahu 10t maniqqamiuttanin uvangat Troll ujarakhiurviannin, ittuq hamani 16.2km tunuani uataani tahaffumap initurlirijainni, uvanilu aajjikkutavjaani uvangat Voyageur ujarakhiurviannin, ittuq hamani 11.2km tunuani uataani tahaffumap initurlirijainni. Mikijuq-najugaujumik nalvaaqhiurnikkut ikuutarlutik ahu tallimanik (5) putunik ikuutaqtauniarungnaqhijut tahamani ujarakhiurvianni, naammagijaukpat ikuutarvigijaghaat. Ikuutaqtaulimaittut ukunani IOL-kut

ilagijaanni talvani 2002-mi, talva kihimi havaarijaghaat havaktauvangniaqtut inigijaanni Inuinnait nunaanni. Piffaarumajaat nunatigut ihivriuqhiniillu, nalvaaqhiurniriillu, uuktuutigijaallu ikuutarvigijaallu (tamangnik qiniqhianikkullu ihivriuqhinikkullu) ahu piniaqtaat uvani 2003-milu 2004-milu, uuktuutigijait naunaijaqtautarumik. Kiinaujat ajurnaitpata uvani 2003-mi, ilanginnik titiraqtaarlugillu ihivriuqtaarumikkulu ikuutarniriit uvani *Muskox* ujarakhiurvianni ukunani IOL-kut ahu havaarijauniaqut.